

# «cultuRa+» preschenta la stagiun da primavaira 2012

■ (cp) In actur scrivent, in automat dad istorgias mobil ed istorgias sautadas: «cultuRa+» il program da cultura da la Lia Rumantscha, preschenta ina stagiun da primavaira 2012 multifara.

L'actur engiadinais *Lorenzo Polin* scriva durant sis emnas en l'atelier da litteratura Blumenhalde ad Ürikon. Ils 8 da mars 2012 dat el l'avertura al program da primavaira cun ina prelecziun scenica. Ils 13 d'avrigl 2012 va *Justina Derungs* en viadi cun ses automat dad istorgias ed envida ad ina preschentaziun da film me-

canica e quai il medem di en trais differents lieus. Ils 11 da matg 2012 festivescha il toc da saut «Gian Girun» premiera e curt avant la stad cumenza sia turnea.

Cun il toc «Gian Girun» preschenta «cultuRa+» sia emprima gronda coproducziun. Questa collavuraziun stretga pussibilitescha in sustegn intensiv e cumplain da las artistas e dals artists. «Gian Girun» è ina cumposiziun per saut, cuntrabass e texts legids ed ina installaziun da tribuna muventada. Sut il pseudonim Gian Girun ha publitgà l'au-

tura engiadinaisa Ursina Clavuot ils onns 1930 novellas rumantschas.

*Seraina Sidler-Tall*, sesenta a Zug, è l'inizianta, coreografa e ballarina dal toc. Ella è la sutbiadia dad Ursina Clavuot. A maun da sia furma d'expressiun artistica, il saut, elavura ella en il toc «Gian Girun» ils texts da sia basatta e s'occupa uschia era cun sias ragischs rumantschas.

**Il program cumplet da «cultuRa+» è publitgà sin [www.liarumantscha.ch](http://www.liarumantscha.ch)**



**Marc Jenny (musica), Seraina Sidler-Tall (saut) e Sara Francesca Hermann (prelecziun) (da sanester).**